

RIALACHÁN TARMLIGTHE (AE) 2021/1951 ÓN gCOIMISIÚN
an 10 Samhain 2021

lena leasaítear Treoir 2014/23/AE ó Pharlaimint na hEorpa agus ón gComhairle i ndáil leis na tairseacha do lamháltais

(Téacs atá ábhartha maidir le LEE)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Threoir 2014/23/AE ó Pharlaimint na hEorpa agus ón gComhairle an 26 Feabhra 2014 maidir le conarthaí lamháltais a dhámhachtain ⁽¹⁾, agus go háirithe an dara fómhír d'Airteagal 9(4) de,

De bharr an mhéid seo a leanas:

- (1) Le Cinneadh 2014/115/AE ⁽²⁾, d'fhormheas an Chomhairle an Prótacal lena leasaítear an Comhaontú maidir le Soláthar Rialtais ⁽³⁾ a tugadh i gcrích faoi chuimsiú na hEagraíochta Domhanda Trádála. Is ionstraim ilpháirtithe é an Comhaontú leasaithe maidir le Soláthar Rialtais ("an Comhaontú") agus is é is cuspóir leis margaí soláthair rialtais a oscailt go frithpháirteach i measc a chuid pháirtithe. Baineann an Comhaontú le haon chonradh soláthair lena mbaineann luach a shroicheann na méideanna ("tairsí") a leagtar amach amach ann nó a sháraíonn na méideanna sin, méideanna a shloinntear mar chearta tarraingthe speisialta.
- (2) Ceann de chuspóirí Threoir 2014/23/AE is ea cead a thabhairt do na heintitis chonarthacha agus do na húdaráis chonarthacha a chuireann an Treoir sin i bhfeidhm na hoibleagáidí a leagtar síos sa Chomhaontú a chomhlíonadh ag an am céanna. Is gá athbhreithniú a dhéanamh ar an tairseach a leagtar amach sa Treoir sin chun a áirithiú go gcomhfhreagraíonn an tairseach do lamháltais a leagtar amach in Airteagal 8(1) de Threoir 2014/23/AE don tairseach do lamháltais arna bunú sa Chomhaontú.
- (3) Ceanglaítear le hAirteagal 9(1) de Threoir 2014/23/AE go ndéanfaidh an Coimisiún athbhreithniú ar na tairseacha gach dhá bhliain le héifeacht ón 1 Eanáir. Dá bhrí sin, ba cheart feidhm a bheith ag na tairseacha do na blianta 2022-2023 ón 1 Eanáir 2022 ar aghaidh.
- (4) Ba cheart, dá bhrí sin, Treoir 2014/23/AE a leasú dá réir,

TAR ÉIS AN RIALACHÁN SEO A GHLACADH:

Airteagal 1

In Airteagal 8(1) de Threoir 2014/23/AE, cuirtear "EUR 5 382 000" in ionad "EUR 5 350 000".

Airteagal 2

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

⁽¹⁾ IO L 94, 28.3.2014, lch. 1.

⁽²⁾ Cinneadh 2014/115/AE ón gComhairle an 2 Nollaig 2013 maidir leis an bPrótacal lena leasaítear an Comhaontú maidir le Soláthar Rialtais a thabhairt i gcrích (IO L 68, 7.3.2014, lch. 1).

⁽³⁾ IO L 68, 7.3.2014, lch. 2.

Beidh feidhm aige ón 1 Eanáir 2022.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 10 Samhain 2021.

Thar ceann an Choimisiúin
An tUachtarán
Ursula VON DER LEYEN
